

四庫全書

史部

欽定四庫全書

史部

欽定八旗通志卷

一百四十四至
一百四十五

欽定四庫全書

欽定八旗通志卷一百四十四

人物志二十四

大臣傳十

滿洲鑲黃旗九
傳恒

達勒黨阿

阿里衮

達勒黨阿

達勒黨阿滿洲鑲黃旗人乾隆二年由三等侍衛

襲其祖果毅公遇必隆所立一等子爵五年授鑲

黃旗蒙古副都統六年調熱河副都統

命御前行走九年擢奉天將軍十年督辦錦州堤工尋
奏請每年春季熊岳副都統赴旅順操演水師居
三年奉天將軍查驗一次部議如所請十三年四
月授刑部尚書兼鑲藍旗滿洲都統尋遷吏部尚
書十月以從弟訥親金川軍營獲罪請往効力

命隨經畧大學士傅恒赴軍營授叅贊大臣十四年凱
旋敘功加太子少保十九年八月授黑龍江將軍
九月從弟果毅公策楞北路軍營獲罪革爵以達

勒黨阿襲二十年正月

命率索倫巴爾呼兵速赴北路隨大軍勦準噶爾授叅贊大臣在哨探兵隊前進五月大軍定伊犁

上獎達勒黨阿奮勉令回京協辦大學士九月

命仍赴北路軍營授定邊左副將軍偕叅贊大臣哈達哈勒叛賊阿睦爾撒納十月

命率兵千赴西路軍營掌定邊右副將軍印尋

諭曰據達勒黨阿等奏稱聞西路大兵於明歲草萌時

再行進發此奏甚屬錯謬昨命達勒黨阿領兵前往
西路哈達哈留駐北路達勒黨阿至西路時一切會
同商酌速奏膚功方合機宜現在冬令進兵較難人
人所知然愈遲緩則賊黨愈固辦理更費周章所謂
兵貴神速者此也將軍大臣等倘因難退縮何以鼓
士氣而振戎行達勒黨阿等所奏朕因北路已停進
兵是以不行深究若伊至西路時亦出此言必至搖
惑軍心所關匪細決不姑貸十一月改叅贊大臣二

十一年正月以索倫兵八百赴珠爾都斯迎定邊
右副將軍薩喇爾

命駐特訥格爾辦事二月奏言薩喇爾已抵吐魯番臣
與台吉噶爾藏多爾濟等即赴西爾哈阿濟爾罕
約會進剿

詔獎其辦理合宜尋以兵千赴安集哈雅偵緝阿巴噶
斯賊衆四月阿睦爾撒納竄哈薩克

諭曰將軍策楞等擒拏阿睦爾撒納事事外謬全無籌

畫今西路專任達勒黨阿北路專任哈達哈伊二人
尚屬勇往著即領兵前赴哈薩克務期擒獻五月授
定邊右副將軍時策楞藉口糧乏駐登努勒台且
令達勒黨阿撤兵還駐達勒黨阿以兵已前進糧
又充裕不聽事

聞奉

旨嘉獎革策楞職即以達勒黨阿為定西將軍並

諭詳察形勢并力擒勦八月達勒黨阿統大軍至雅爾

拉偵哈薩克二千餘賊伏山谷中誘之出奮勇督
擊斬五百七十餘級生擒十一人復追至努剌鑾
戰斬三百四十餘級生擒十人阿睦爾撒納易服
遁九月捷

聞

賜雙眼孔雀翎哈達哈尋亦奏捷奉

旨嘉獎是時達勒黨阿等縱被擒之楚魯克昭華什還
諭其汗阿布賚縛獻阿睦爾撒納而楚魯克等詭

為阿睦爾撒納乞命請寬限達勒黨阿信之按兵
待阿睦爾撒納得脫走閏九月

諭曰阿睦爾撒納背叛策楞玉保帶兵追緝坐失事機
經朕飭催西北兩路之兵始克稍振軍聲哈薩克汗
阿布賚等望風奔潰阿睦爾撒納易服潛逃然所獲
之楚魯克等兩次縱回傳諭擒獻卒以限期相誑達
勒黨阿等遲徊觀望為其所愚逾月之久賊蹤愈遠
朕早已料及是以於八月望前即降旨令其班師乃

達勒黨阿等於未奉到此旨之先奏請暫回哈薩拉
克地方過冬俟明春再進此不過強為之詞耳事斷
難行仍諭令遵照前旨撤回又

諭曰前因達勒黨阿哈達哈効力軍前尚知奮勉加恩
賞給雙眼翎以示鼓勵乃西北兩路大員會合一處
反彼此推諉各存意見殊負委任朕念伊等遠行勞
苦不即重治其罪然亦無功可錄所賞雙眼翎著一
併繳還不准戴用十月

命達勒黨阿來京十一月

諭曰達勒黨阿前遣哈薩克楚魯克昭華什等往諭阿
布賚而留阿喇勒拜杭吉勒圖於軍營為質乃並不
加意防範致阿喇勒拜等先後脫逃續經拏獲杭吉
勒圖又不即行正法仍復疎縱著交部嚴議二十二

年二月

詔革公爵及都統降為副都統以其從弟阿里袞襲公
爵八月與哈達哈俱革職發往熱河披甲効力並

申諭切責詳載哈達哈傳中二十三年十一月

詔宥前罪授三等侍衛十二月率西安駐防兵千赴軍
營二十四年正月搜捕沙喇斯瑪呼斯逸賊二月
大軍勦回酋霍集占

上以達勒黨阿及哈達哈歷練

諭由巴里坤送馬至阿克蘇八月定邊右副將軍富德
等大敗霍集占於阿爾楚爾及伊西洱庫爾淖爾
達勒黨阿均在事有功

詔授二等侍衛二十五年二月卒於軍營

阿里衮

阿里衮滿洲鑲黃旗人姓鈕祜祿父音德官領侍衛內大臣謚慈敬有傳乾隆二年阿里衮由二等侍衛授總管內務府大臣四年八月授兵部侍郎五年六月左都御史陳世倌疏劾山東巡撫碩色奏報沂州歉收失實

諭阿里衮偕僉都御史朱必塔詳勘疏言沂州府屬蘭

山郊城二縣俱被水患蟲傷而水災尤甚地方官將被水稍輕者議以勘不成災最重者止報五六分災照例蠲免十分之一現在應徵錢糧窮黎實難措辦請將上年帶徵錢糧緩至後兩年完納其勘不成災者亦緩至次年徵收民借社倉穀石向例秋後還倉不必催追即動帑買補災民出境鄰省設法養贍咨送回籍冬月加意撫綏所賣子女力能取贖者買主不許勒捐下部議行十月調戶

部侍郎十一月署兩江總督楊超曾劾江西巡撫
岳濬與知府董文煒劉永錫循情納賄

命同江南河道總督高斌鞠實濬坐革職餘論如律六
年七月兼管武備院事十月疏言

盛京內務府三佐領下未入旗檔者六七千丁請冊
報內務府存案嗣後比丁年即照納差之三千八
百餘名添差庶無隱漏之弊奏入如所請時戶部
侍郎梁詩正疏奏八旗人丁分置邊屯事

命同大學士查郎阿往奉天一帶相度地勢再行定議
尋合疏言寧古塔將軍所屬吉林烏喇之東北拉
林阿爾楚哈及阿爾楚哈之東飛克圖等處平疇
沃壤五穀皆宜江繞於外河貫於中山木取資不
盡黑龍江將軍所屬齊齊哈爾之東南呼蘭地方
地脈深厚五穀皆宜江河圍繞山場樹木俱便又
吉林烏拉之西南黑爾蘇站周圍至一統河地脈
肥饒五穀皆宜河流貫注林木尚足採取吉林烏

喇之西南刷煙站及白都訥之東八家子至登額
爾者庫五穀皆宜材木稍覺不便黑龍江將軍所
屬呼蘭之東佛忒喜素素地方材木豐裕江河通
繞但地勢高下各異其不宜屯墾者黑龍江將軍
所屬墨爾根黑龍江地寒霜早齊齊哈爾沙磧地
多零星不成片落寧古塔將軍所屬吉林烏喇地
方旗民耕種餘地無多三姓地方山多地窄霜雪
甚早寧古塔地重山圍繞其東烏蘇綏芬洋春一

帶係產參之所俱不宜移駐七年五月議政王大臣議以拉林阿爾楚哈去船廠甚近地肥饒廣濶五穀皆宜最為膏腴之地請先移駐滿兵一千名屯墾耕種將來著有成效由近及遠漸次舉行

上如所請七月兼管奉宸苑事八年四月湖南巡撫許容劾糧道謝濟世狂縱各款總督孫嘉淦請革濟世職御史胡定以許容挾私誣陷入奏

上命阿里衮會鞠得容冤誣鍛鍊嘉淦瞻徇扶同狀復

濟世職容論罪嘉淦革職

命阿里衮署湖南巡撫六月調署河南巡撫十月授山西巡撫十一月河東鹽政吉慶奏山西民間買田有擇地勒配輕糧之弊

勅阿里衮妥議因言晉省富民乘貧民之急田取其上賦納其下遂至賠糧無已嗣後將地畝數目田則糧額詳書契紙赴縣查驗核其賦之高下輕重與實徵紅簿無差者聽其過割從前田糧有避重就

輕者限二年內自首更正照則收糧免究二年後
別經發覺按數計贓以枉法論田地入官賣主并
知情不舉之中見人等照例杖懲庶富民知儆貧
民無累

詔悉心妥協為之十二年調山東巡撫十三年閏七月
仍調山西九月蒲州府民與陝西朝邑縣民以爭
黃河雞心灘地互控

詔偕陝西巡撫陳宏謀會勘阿里衮疏言雞心灘介秦

晉間本屬宜地墾種者晉省居多秦省較少請將
灘中熟地並未種老灘鹹地以六分給晉民四分
給秦民耕種

上從之十五年擢湖廣總督先是總督永興布政使嚴
瑞龍疏叅巡撫唐綏祖巧詐營私累商肥橐各款
十六年四月

命阿里衮同河南巡撫鄂容安會鞠尋奏綏祖無贓款
惟縱容爐頭私買銅鉛添鑄屬實部議革職議上

諭曰嚴瑞龍駕詞誣捏永興率入彈章自應分別反坐
唐綏祖家產給還來京候旨九月阿里衮調兩廣總
督十八年二月廣東東莞縣莫信豐等黨同逆首
王亮臣糾黨散劄謀踞藍糞山為不軌事覺阿里
衮馳赴增城搜捕逆匪二百七十餘凌遲正法如
律

上嘉之下部議敘旋以母憂回京九月補戶部侍郎十
月兼管工部事務十九年授步軍統領二十年正

月署刑部尚書六月署工部尚書補鑲白旗漢軍都統十月授戶部尚書二十一年五月

命為領隊大臣赴西路軍營九月定西將軍達勒黨阿率師至雅爾拉賊迎拒阿里袞等領左右翼兵陣斬至五百七十餘擒十一人追至努喇復遇賊二千餘奮勇鏖戰擒宰桑扎南布戮賊三百四十餘上嘉之尋

詔回京二十二年正月

命為領隊大臣辦巴里坤事務二月達勒黨阿軍營獲
罪

詔以阿里衮襲果毅公爵

諭曰逆賊阿睦爾撒納及阿布賚逃竄達勒黨阿帶領
西路官兵追捕相距里許為人所紿以致遠遁叅贊
諸臣無所辭其咎阿里衮著降補侍郎六月授正白
旗蒙古副都統九月沙喇斯瑪呼斯游牧復叛掠
臺站阿里衮帶兵二百前往同都統滿福進剿由

阿斯罕布拉克和什特勒克取道至哈喇沙爾搜
勦山僻賊衆進抵塔本順和爾納木噶獲男婦二
百餘口

諭曰前因阿里衮進兵遲延交部議處經部議革職朕
諭以且觀後效今既自知罪愆奮勉行走著加恩免
其革職十二月滿福為叛賊敦多克哈什哈車凌等
誘害沙喇斯瑪呼斯游牧逃庫車等處阿里衮遣
熟識路徑之人取近堵截師次哈喇沙爾西南庫

爾勒二十三年正月疏報沙喇斯瑪呼斯賊由呼
爾塔克山逸至羅卜淖爾我兵往勦路擒瑪呼斯
得木齊額默根等二月

詔阿里衮所帶兵丁歸雅爾哈善隊

諭曰前閱阿里衮所奏伊等追勦沙喇斯瑪呼斯等賊
向呼爾塔克山前往嗣素賚瑪報稱阿里衮已回俟
勦殺藏匿之瑪哈沁等即可撤兵伊等如果因馬匹
口糧不足不妨奏明撤回既稱向前追勦而究未得

賊人踪跡不過於中途遷延行走即謂為追襲巧辭飾說可乎四月阿里衮自魯察赴巴里坤

上以阿里衮辦理沙喇斯瑪呼斯賊衆未能奮勉

詔革侍郎仍以副都統革職留任五月奏巴里坤種地人犯分屯築堡酌量安插

上以阿里衮不諳事體申諭之八月疏奏雅爾哈善永貴等議於哈喇沙爾托克三闢展烏魯木齊等處屯兵三千六百名外增二千四百名酌於收獲後

分駐哈密巴里坤又哈密所設卡倫兵請酌裁調
往屯田查黃廷桂奏有哈密夾山路徑可至吐魯
番而巴里坤糧餉均由哈密運送請將撤回屯兵
俱駐哈密以節運費再哈密駐兵二千所設卡倫
七十三除塔勒沁等三十二卡倫仍須安設其
一顆樹等三十九卡倫均可撤又聽差各兵內亦
可裁減抽調六百名遣往屯田軍機大臣議如所
請時將軍兆惠領兵薄葉爾羌城以四百餘人渡

黑水衝勦小和卓木霍集占賊衆二萬餘道遠馬乏堅壁固守者三閱月先是

上命選馬三千餘濟軍以阿里衮為叅贊大臣自哈密進發尋遷吏部侍郎十二月擢兵部尚書正紅旗蒙古都統二十四年正月副將軍富德統兵至呼爾珮遇賊騎五千轉戰五日四夜會阿里衮督解馬亦至乘夜分翼斫陣賊潰戮千餘人餘悉負創遁逆酋大和卓木波羅泥都脇中鎗我兵復進屢

敗賊衆將軍兆惠全軍出

諭曰阿里衮前雖未著成勞今送馬濟軍如期集事且會同勦賊朕心深為獎許著賞給雲騎尉世職七月逆賊霍集占逃阿爾楚爾阿里衮偕叅贊大臣明瑞阿桂等衝擊賊大潰八月阿里衮等領兵五百駐伊西洱庫爾淖爾西堵截拔達克山要隘復分兵守淖爾南賊據淖爾北山阿里衮等攻奪其家屬輜重逆回二千餘乞降復選兵二百踰嶺追勦

逸賊九月

命以叅贊大臣留葉爾羌辦事十月

賞戴雙眼翎二十五年四月

命回京

賜紫禁城內騎馬阿里袞行次雅木扎爾聞賊掠臺站
圍城堡即回喀什噶爾時伯克邁剌木妄言阿睦
爾撒納已取阿克蘇矣乃糾賊千餘由伯什克勒
木來犯阿里袞率兵力戰賊入城堅守復以鎗礮

攻圍邁喇木夜遁牌租阿巴特阿里袞追及之於
和羅木魯克擒邁喇木及呢雅斯

諭曰阿里袞聞賊搶掠臺站即回喀什噶爾擊敗賊衆
撫定回人應機立辦阿里袞著交部議敘伊子拜唐
阿豐昇額著授為藍翎侍衛又

諭曰阿里袞奏倡亂回人邁喇木呢雅斯等俱已擒獲
此次辦理迅速甚屬可嘉伊子豐昇額著加恩授為
三等侍衛次子倭興額著授為藍翎侍衛十月授領

侍衛內大臣

命圖形

紫光閣

御製贊曰富德入援次呼爾璫趨行戈壁馬不進馬以
馬濟軍敵營夜襲同事建績曰鄂博什二十六年十
一月署禮部尚書十二月充

經筵講官二十七年

命為御前大臣兼上駟院卿二十八年兼管滿洲火器

營大臣六月署陝西巡撫十月加太子太保二十
九年授戶部尚書協辦大學士三十年兼管禮部
事務三十三年正月授叅贊大臣往雲南軍營三
月署雲貴總督尋授副將軍駐永昌七月疏言緬
酋向來恭順內地人往來貿易以資其用今擾我
土司抗我大兵則中華一切貨物不許絲毫透漏
永昌普洱一帶十餘里山路叢雜恐潛行偷越嗣
後奸民販貨出口拏獲即行正法隘口兵丁得財

賣放罪亦如之疎防照例治罪失察文武官弁查

明叅革

上是之又疏奏雲南省城至永昌千餘里山嶺陡險過
兵運糧崎嶇難行是以撥糧二十五萬石到永者
僅一萬三千石請將藩庫報銷閒款項內動支二
三萬兩修理道路糧運庶免遲誤文報亦不稽延
諭速行妥辦八月又言沿邊土司地廣民稀往歲豐收
賣與內地商販經緬匪蹂躪夷散田蕪蒙

恩調駐重兵夷民俱已復業請於今冬借給銀兩購買
籽種牛具普行耕種秋成後按照時價交米還項
不敷兵糧即在各土司地方採買省內地輓運之
費官兵裹帶之勞得

旨嘉獎九月阿里衮會雲南巡撫明德奏滇省銅廠向
例糧道專管遇有奏銷布政司雖會銜無稽查之
責糧道駐省城銅廠三十餘處近者數百里遠者
千餘里耳目難周查本地道府州縣鄉保是其管

轄山廠設有透漏即可調撥兵役拏究至金銀鉛
廠二十九處又係布政司兼管而本地道府不與
焉請將金銀銅鉛各廠係州縣管理者責成本府
專管道員稽查係府廳管理者責成本道專管各
廠事務統歸布政司總理報銷至糧道不管銅廠
止辦兵糧事務太簡驛鹽道事繁請將驛鹽道所
轄之雲南武定二府改歸糧道管理如所議行三
十四年二月以軍營馬匹疲瘦

諭責阿里衮等不能殫心籌辦交部嚴議應革職

詔留任五月疏奏騰越沿邊一帶緬匪闌入遮放隴川
猛卯及戶腊撒等處臣選熟習擺夷言語兵弁令
向沿邊土司偵拏既可使內地情形不致透漏并
可詰緬匪往來作何防備奉

旨如此留心更有何可諭六月疏奏黔省古州銅仁等
十餘處俱傍灘江營兵操舟利便灘江形勢與蠻
暮等河同請將黔省換補習舟楫兵撥補赴滇可

得數百水師之用九月偕經畧大學士傅恒合疏
言猛拱土司渾覺等來降令趕辦牛馬糧米接濟
軍營並以猛拱人興堂札為嚮導進攻阿瓦渾覺
獻象牙牛隻等物並採買早稻運送軍營

上嘉之是月師至蠻暮十月至新街時傅恒偕副將軍
阿桂領兵新街東岸賊三千餘船百餘迎拒阿里
衮同伊勒圖據戛鳩江西岸派滿洲吉林綠營兵
七百餘進勦賊寨藏百餘人我兵奮勇衝入賊遁

又一寨藏賊三四百貴州把總姚卓殺賊一奪旗
一我兵鼓勇進勦賊棄壘逃賊踞寨者復五百人
我兵放鎗攻擊賊堅壁不出日暮不能固守潛遁
擊斃二十餘人奪寨三殺賊五十餘

諭曰初次接仗即能如此獲勝朕覽奏甚為欣慰十一
月以疾卒於軍

諭曰尚書果毅公阿里衮久侍禁廷敷歷中外公誠恪
慎宣力有年前此平定西陲懋著勞績曾經圖像策

勲是以征緬之役特命前往滇南俾膺副將軍之任
去歲因其身患瘡疾遙遣御醫馳視並賜藥餌調攝
旋即得痊而精神未能全復朕心方為厪念昨自夏
鳩進次猛拱所至頗稱勞瘁及在新街分兵勦賊奮
勇奪壘純蓋足嘉乃因體弱邁疾猶統舟師前進正
冀其速愈以副委任遽聞溘逝深為軫惻所有應得
卹典該部察例具奏禮部議上

賜祭葬如例

命入祀賢良祠謚襄壯三十五年

諭曰尚書果毅公阿里袞宣力殫忱克彰勞勩昨歲賜卹時曾令入祀賢良祠今思其先世額亦都遏必隆並以崇勲建有宗祠得膺祀典阿里袞亦應附食邀榮而其父領侍衛內大臣音德尚未列入著與阿里袞一併入遏必隆宗祠用獎勲蓋該部即照例行四

十四年

御製懷舊詩列五功臣中

詩曰昨歲秋之仲

盛京謁

陵園三大功臣墓陪葬其間存茲阿里衮者額都四世孫
勇豈匹其祖忠實一例肫兆惠阻黑水回衆如蜂屯
爾時舒赫德統兵速入援又被狂狙阻進退至兩難
適值阿里衮送馬繼進適率兵亦弗多乘夜賊營掀
賊駭自天降鹿埵羣逃奔兩軍俱善歸重進鴻功全
後復往征緬受瘴惜隕身一再忘軀勞思之輒淚捫

幸而子善繼金川建殊勲凱全以病終悲惜何忍言
阿里衮子四長豐昇額官戶部尚書襲果毅公以
軍功加繼勇號自有傳次倭興額官雲麾使次色
克精額襲雲騎尉次布彥達賚現任鑲紅旗滿洲
副都統

傅恒

子福靈安

傅恒滿洲鑲黃旗人姓富察曾祖哈什屯內大臣
祖米思翰戶部尚書父李榮保察哈爾總管俱追

欽定四庫全書

欽定八朝通志
卷一百四十四

封一等公傅恒李榮保第十子也乾隆五年授藍翎侍衛厯遷頭等侍衛七年授總管內務府大臣管理

圓明園事務八年擢戶部右侍郎十年六月軍機處行走十一年七月轉左侍郎十月授內大臣十二年二月充會典館副總裁三月晉本部尚書議政處行走兼鑒儀衛事六月充會典館正總裁十三年授領侍衛內大臣四月加太子太保協辦大學

士六月充

經筵講官時大兵征金川逆首莎羅奔經畧訥親總
督張廣泗等久無功九月

命傅恒暫管川陝總督經畧事務尋晉

保和殿大學士

賜詩曰壯齡承廟畧一矢靖天狼番部蕞爾蠢王師武
必揚慰予西顧久嘉汝赤心良捷伐救么寇撫循集
衆長斯能成偉績用幹不庭方佇看銷兵氣敷天日

欽定四庫全書

欽定八旗通志
卷一百四十四

二十三

月光

賜花翎二十藍翎五十銀十萬備犒賞軍前諸將奏章
許於沿途開看

上御瀛臺賜食及於諸將士

製詩曰大清聲教暨遐陬豈有來王稽蜀酋黷武開邊
非我志安良禁暴藉卿謀行軍吉值初陽復賜食恩
同湛露流轉瞬明年擒娑虜還教凱宴侑封侯十月
傳恒啟行

上親詣

堂子行告祭禮

遣皇子及大學士來保等送至良鄉視傳恒飯十二月
諭曰經畧大學士傳恒自奉命以來公忠體國殫竭惻
忱紀律嚴明軍行甚速途次衝風冒雪晨夕馳驅兼
辦一切諮詢機務刻晷鮮暇常至徹夜無眠今日披
覽來奏甫入川境馬匹遲誤減從星發竟至步行苟
非一秉丹誠心堅金石安能若是將來迅奏膚功自

當優議酬庸之典而目前之勞瘁實屬超倫著交部從優議敘部議晉太子太傅

特命加太保仍加軍功三級傳恒疏辭不允初小金川土舍良爾吉奪其兄澤旺印烝於嫂阿扣莎羅奔之侵沃日也良爾吉實從之後詐降為賊謀張廣泗惑於漢奸王秋言使良爾吉領蠻兵我師舉動賊輒知之是月傳恒使副將馬良柱誘良爾吉來迎至邦噶山聲其罪斬之阿扣王秋並伏誅事

聞

諭曰前據張廣泗力言良爾吉王秋不可輕動即軍前
諸人皆明知其罪而疑畏不敢先發今經畧大學士
傅恒甫至軍營即取兩年通寇如檻豚圈豕以快人
心而警番衆非謀猷明斷識力堅定曷克臻此即此
已當優敘但經畧大學士於從前議敘之旨具摺懇
辭若仍交部議敘無以善體沖挹之美其即以前日
所賜雙眼孔雀翎為此番酬庸之典如仍執意謙讓

是不遵朕旨也是月傅恒奏臣於二十一日抵卡撒
軍營所云左右山梁不過兩坡相對地非甚廣賊
所守各碉亦不甚大不知何以用兵二年不能進
取及閱營地規模狹小與賊相望且雜處番民市
肆中無以示威嚴占地利臣相度移舊壘前令總
兵治大雄總理營盤以肅軍紀臣惟前此之誤在
於專攻碉卡賊險碉林立大兵至守益嚴毋論攻
其有備克取為難即數日克一碉亦數年不能竣

事今當奇正兼施因機制勝或以奇兵繞出其後
或以偏師另行取徑賊出則直挫其鋒不出則專
搗其穴又各路尅期齊進使腹背皆兵寢食無暇
自必內潰而酋可擒矣疏入

俞旨報聞是月傅恒率總兵哈攀龍哈尚德等攻右山
梁下巴朗平碉及色爾力石碉連克之

上以金川水土惡劣馳

賜傅恒人參三觔並及諸將帥有差十四年正月

命班師

召傅恒還朝

諭曰金川用兵一事朕本意欲禁遏兇暴綏緝羣番並
非利其人民土地而從前納親張廣泗措置乖方屢
經貽誤是以特命經畧大學士傅恒前往視師傅恒
自奉命以至抵營忠誠勞動超出等倫辦事則鉅細
周詳鋤奸則番蠻懾服整頓營伍則紀律嚴明鼓勵
戎行則士氣踴躍且中宵督戰不避風雪擊磬奪卡

大著聲威誠克仰副委任朕思叢爾窮番何足當我
王師經畧大學士傳恒乃中朝第一宣力大臣顧因
荒徼小醜久稽於外朕心實為不忍即使擒獲渠魁
掃蕩巢穴亦不足以償勞此旨到日傳恒著即馳驛
還朝尋

詔封傳恒一等忠勇公

賞給紅寶石帽頂四團龍補褂嗣傳恒請從卡撒一路
直攻噶拉依又言攻克賊巢成功可必一簣之虧

誠為可惜堅請進兵並懇辭公爵繳還

原旨俱不允

諭曰經畧大學士忠勇公傅恒帥師進剿番酋忠誠奮發志期殄寇執奏再三朕揆勢度理以允降班師休兵息民為經國遠計彼匈奴未滅何以家為者乃驃姚貳師輩武人銳往立功之概大學士輔弼元臣抒誠贊化名耀旂常正不必與兜鍪鬪爭汗馬一日之績復

示以詩曰三面姑開格蜀夷來調說鼎佇期之集思廣
益卿誠踐勤遠勞民我不為武豈佳兵應戒彼績惟
和衆孰同斯功成萬骨枯何益壯志無須效貳師又
賜詩二章其一曰安邊底績本丹忠請命番酋勢已窮
上將有心期利執大君無物不包蒙那須一月聞三
捷早覺千忻達

兩宮晉國勤勞予廛念速歸黃閣贊元功其二曰鷗鳥何
庸盡覆巢好生天地德含包歌成宵雅八章句著得

同人九四爻兵洗蓬婆春澹蕩首稽獬面頰頗蜀
民安撫勤籌畫心契元良泰陞交是月逆酋遣頭人
至卡撒投稟訴乞降並畏死意傳恒令曰莎羅奔
郎卡親縛來營者當待以不死逆酋復遣頭人至
丹壩乞降總統提督岳鍾琪入賊巢挈酋等由勒
烏圍噶拉依至經畧軍二月初四日莎羅奔郎卡
除道營門外設壇翌日率衆降傳恒升帳受之莎
羅奔等焚香作樂泥首請罪誓遵六事無犯隣封

歸土司侵地獻馬爾邦兇酋資送內地人納軍械
供徭役傳恒傳

旨赦其罪莎羅奔等獻傳恒佛像一白金萬却其金不
受初六日傳恒發軍營奏至

諭曰經畧大學士忠勇公傳恒奏報莎羅奔郎卡俯首
就降獻捷班師朕不勝欣悅此皆

上蒼孚佑

宗

社貽休有以默相朕躬

皇太后懿訓詳明有以啟迪朕志荷茲

福庇感慶實深經畧大學士忠勇公傅恒丹衷壯志勇畧

宏猷足以懷柔異類迅奏膚功即諸葛之七縱威靈
汾陽之單騎見虜何以加茲實為國家嘉祥上瑞前
已晉爵封公酬庸更無殊典所賜四團龍補褂著祇
受服用再照元勲揚古里額駙之例加賜豹尾鎗二
桿親軍二名優示寵章俱不必懇辭自去歲之徵兵

命將與今歲之決策班師初不意番酋畏威懷德革
面革心一至於此固朕宵旰憂勤事無大小先機籌
畫恰合機宜亦由經畧大學士忠勇公傳恒秉心忠
亮克承訓示成此殊勲可見作善者昌將來數十年
贊化調元懋襄郅治實嘉賴焉其傳諭諸王滿漢文
武大臣並宣諭中外知之

製詩曰止戈為武信其然我澤如春經畧宣共喜捷音
來玉闕何殊俘虜自金川番酋路左心傾服軍士行

間氣倍鮮單騎汾陽休比擬都因忠赤格穹天嗣傳
恒疏辭四團龍補服

諭曰經畧大學士忠勇公傅恒因朕賞給四團龍補服
具摺奏謝並請於朝賀大典之日遵旨服用其尋常
仍服公品級補服此固出自大學士忠勇公傅恒謙
沖本意然朕此番獎賞實出至公且具有深意不可
不為明晰宣示蓋論大學士公傅恒平定金川之功
自不可與揚古里額駙開國之功並論但彼當開創

四征之初今屬守成無事之日以大學士公傳恒之忠誠智勇練達宣力令與同時同事亦必能懋建殊勲可信其易地皆然也夫軍旅之事國家不能保其必無大臣身係安危為社稷所倚賴如張廣泗不過封疆外吏其人亦不足論至訥親爵位既崇又任用有年朕之加恩超越儕輩上年命以視師實寄以心膂如朕親行不意辜恩貽誤一至於此為大臣者若惟是偷安自逸任意乖張國事其何賴焉朕既用以

自愧更因以滋懼是以明正典刑不肯曲宥而大學士公傳恒見朕縈懷西顧欣然請行仔肩重任自奉命西征冒涉風霜均勞士卒步涉巖阻晨夕辛勤拜發封章裁決軍務常至達旦事事妥協周詳至則申明紀律誅賊腹心雪夜督師攻碉毀卡必期焚巢掃穴一舉蕩平大振聲威賊番震懼始稽顙歸命出於至誠迨承朕旨納降班師星馳就道諮詢庶務仍係丙夜辦理奏覆此所謂誠貫金石信格豚魚是以時

未七旬兵不血刃而番酋洗心革面永矢歸誠從此
邊徼敎寧閭閻樂業而中外大臣咸知所取法股肱
一體休戚相關夙夜匪躬緩急足資倚任實我大清
萬年無疆之慶國家酬庸盛典原非朕所得私今茲
疊沛殊恩昭示風勸亦為朝廷遠大之計不僅為金
川平定一時一事而然在大學士公傳恒實應欣承
無愧不然則莎羅奔番蠻小醜即迅奏膚功亦與當
年岳鍾琪之樹績青海大學士鄂爾泰之綏靖苗疆

等耳朕於臣工賞罪大典悉有權衡銖黍不爽天下
臣民宜所共悉所賜大學士公傅恒照宗室公式之
朝帽頂及四團龍補服並於朝賀典禮之時時常服
用不必懇辭其尋常入朝入部辦事應從所請隨宜
即用公品級補服以成謙挹之美三月傅恒凱旋
命皇長子率諸王大臣等郊勞既至

上御殿受賀行飲至禮

賜傅恒詩曰卡撒功成振旅歸昇平凱宴麗晴暉兩階

干羽欽虞典六律宮商奏采薇湛露應教頌幕殿甘
膏更慶遍春畿持盈保泰咨同德偃武修文凜勅幾

又

諭曰朕賜大學士忠勇公傅恒四團龍補服先經大學
士傅恒奏請於朝賀大慶之日遵旨服用尋常仍用
公品級補服朕諭以入朝入部辦事姑從所請以成
謙挹之美今日朕陞殿禮畢後大學士即易補服朕
思章服之榮原以旌有功而勵臣節從前勲舊大臣

蒙賜者皆時常服用若僅用於朝賀典禮之時而尋常入朝又旋易本爵服色殊覺參差非禮嗣後入朝著即遵前旨時常服用其入部及在家聽其自便以終成大學士之謙吉尋

勅照勲臣額亦都佟國維例建宗祠祀傅恒曾祖哈什屯祖米思翰父李榮保春秋官為致祭追謚李榮保曰莊恪

賜傅恒第

東安門內落成

賜詩曰嫖姚賜第落成新歌凱歸來得意春上將鷹揚
今奏績諸軍鳬藻久懷仁攸予君子熊羆夢畢駭首
涂匍匐臣從此坐調熙世鼎敷予教澤萬方均二十
年六月準噶爾平

諭曰兩路興師之舉人心狃於久安在廷諸臣惟大學
士傅恒與朕協心贊畫斷在必行著加恩再授一等
公爵以為力矯積習為國任事者勸傅恒疏辭

諭曰大學士公傅恒以加賞公爵具摺奏辭情詞懇摯
及召見又復面陳再四至於泣下並稱金川之役叨
封公爵已為過分觀其不自滿假信出至誠實將來
可以永承恩遇之道朕心轉為嘉慰俯允所請用成
厥志所有平定金川及準噶爾奏捷兩次功績著併
於現封忠勇公勅內以昭茂典仍從優加等議敘部
議加六級後圖功臣百人像於

紫光閣以傳恒冠

御製贊曰世胄元臣與國休戚早年金川亦建殊績定策西師惟汝予同懽侯不戰宜居首功七月充平定準噶爾方畧正總裁三十三年

命經畧雲南軍務至師期前往

御製言志詩曰征緬非人事竟乖重資經畧重臣差待之一歲無消息懾以三軍或畏懷中止誠難存國體邊防欲靖豈兵佳佇期指日大勲就後舞前歌振旅皆三十四年二月傳恒啟行懇辭

親遣經畧儀注

命閣臣頒

勅印於

太和殿

上賜傳恒及出征將士食即席

製詩曰緬酋弗靖擾滇邦螳臂居然試筵撞健騎重驅

厄魯部驍材兼選黑龍江弼予中國原無二平彼今

時豈有雙就事孰籌應一往於浮得挈勝千扛必能

合衆成城奏莫拒牽羊袒肉降湛露和風士覓藻佇
看飲至酌金缸三月傳恒抵雲南四月至騰越

上親書扇以賜曰炎微熾煩暑軍營區畫煩大端應悉
記細務不辭親世上誰知我天邊別故人勗斯風到
處揚武並揚仁初

上以賊據老官屯之險

勅造舟並奪賊船順流直擣副將軍阿里衮等以邊外
峽紆湍險舟不通沿江亦無辦工所奏止者再後

特遣傳顯伍三泰往視所言與阿里衮等同傳恒至軍
詢之撫夷李景朝土司線官猛等知蠻暮近地有
山曰翁古多木旁有地曰野牛壩野人所居涼爽
無瘴野人樂受值執役甚恭使傳顯蒞事滿洲綠
營兵並從行奴僕更番運料至江岸七月工竣狀
聞

諭曰所辦甚是他人斷不能似此滿洲兵騎射素嫻進
勦時自宜資以馬力至於習勞之事則與綠營兵丁

既同隸行間原不應區分彼此向特因綠旗惡習恒
怯無能臨事每多退避是以有犯必懲若其服役辛
勤當與滿洲兵一體愛惜以均勞逸前此領兵大臣
惟知體惜滿洲而於奔走服役專派綠營不復念其
獨勤豈一視同仁之道今傳恒於運送船料令滿洲
兵輪流乘騎分擡不使綠旗偏於勞瘁並以大臣官
員跟隨之家奴等乘馬安行於理未協亦一例分派
輪擡籌辦實為公當綠營兵稍具天良有不知感激

奮勉願為國家出力者乎此實從來所未籌及自非公忠體國與朕同心之大臣豈能酌理揆情均平安協若此凡有領兵之責者皆當奉以為法傳恒如此存心必蒙

上天所垂佑迅奏膚功自可預卜朕深為嘉悅至於造船一事水陸並進實征緬最要機宜乃朕屢次詢問而阿里衮等並以該處崖險澗窄斷難行船為詞即朕今年特派傳顯伍三泰等前往專辦此事亦以沿江

一帶實無造船處所覆奏傳恒至永昌即遣人往勘
則於銅壁關外野牛壩地方即係成造船隻之處樹
木足供船料且氣候涼爽可以屯聚兵丁而野人又
極恭順服勞無異內地編氓同此沿邊僻壤非自今
日始通何以前此並無一人見及而傳恒得之便如
取攜可見事無難易人果專心致力未有不成者無
如諸人皆豫存畏難之見於胸中遂以為隔閼不可
行以今日傳恒所辦觀之向所謂斷難籌辦者然乎

不然乎將此宣諭中外知之

上賦造舟行曰造舟造舟何處禡乃在銅壁關外野牛
壩緬匪險據老官屯必資水軍順流下先是屢勅豫
剡木率以難成中止罷經畧盡心博訪諮得地得材
命工價猶然邊外豈異區事在人為語非假野人效
順氣爽涼頗覺炎瘴輕往夏忠誠

天佑有如斯我亦為之額手謝昇至蠻暮乃入江諸事從
公堪獎藉閩人使船如使馬鼓勇朦朧凌波駕水陸

兼進緬豈當定知肉袒牽羊迓安民和衆武常經不
為所欺不妨赦是月猛拱大頭目脫猛烏猛及所屬
達羅頭目脫猛殺來降請備船濟師傳恒令脫猛
烏猛齋檄諭各土司八月師發騰越渡戛鳩江據
西岸遂抵允帽九月脫猛烏猛以夷目賀丙之父
賀洛及擺夷四十戶來降請探賊猛拱後土司渾
覺亦率頭目滲籠籠滲籠朋降貢馴象四

上賜傳恒詩二章獎之其一曰猛拱輸誠舟濟師朱波

早失藩籬烏梁海譬先收附準噶爾斯易掃夷身
先諸軍共辛苦心嘉碩輔佛肩仔秋霖中喜瘴江渡
已僭兵行兩月期其二曰伊犁耆定久戈歿詎緬昏
狂事疥搔昔實謨猷贊帷幄今資奔走効弓刀東山
那學謝安逸上蔡還過裴度勞佇待紅旗飛報捷重
開紫閣勒勲高十月傳恒取道猛拱破猛養寨獲臘
泥拉賽誅之設臺站留瑚爾起兵七百駐之遂至
南董干攻南準寨獲頭目木波猛等三十五人師

次暮臘猛養頭目扎達布棄猛養拔營而逸大兵
長驅至新街賊遁傳恒夾攻於東西岸東岸射殺
賊目一斬級五百餘獲纛一船一寨三糧械無算
西岸奪寨三斬級五十奏至

諭曰此次初與賊人接仗即射殪頭目殺賊衆多又連
破賊壘奪獲纛幟軍械米糧等物軍行甚為利順且
官兵俱各勇往朕心深為嘉悅應加恩示獎送部分
別議敘傳恒以所獲緬緬纛進

上賦誌事詩曰師會新街可進航賊人迎拒據蘆塘數
番斫陣妖鋒挫兩隊奪舟我武揚斬將奪旗嘉此衆
水凶土劣慮其方老官屯得當振旅觀象玩辭易義
長十一月傳恒進圍老官屯克毛西寨緬酋懽駁遣
頭目諾爾塔乞降傳恒以其地氣候惡劣疏請允
降

諭曰緬甸僻在炎荒中朝以化外置之乃歷任總督自
張允隨廢弛邊備嗣是愛必達吳達善等亦因循致

滋事釁而劉藻辦理莽匪侵擾九龍江事由思茅退
回普洱輒行畏罪自戕緬匪遂鴟張無忌此厯來貽
誤情形也至命楊應琚前往調度乖方致賊匪入關
騷擾土司其種種欺謾屢飭不悛取罪實在於此及
再命明瑞前往仍令以總督經理邊情並未遽欲興
師遠涉而所統八旗勁旅不過二千又分其半與額
爾登額由旱塔一路取道合勒迨明瑞自錫箔蠻結
拔寨殺賊乘勝深入轉戰至小猛育為時已久屢促

額爾登額移兵往援乃敢抗延不赴又復紆道退回
內地明瑞等猶沿途接仗期殿全師竟以策應不前
捐軀以殉其事遂難中輟彼時緬酋惜敗雖曾具書
軍營懇停進剿而所遣乃內地被留之兵丁許爾功
等八人並未專派大頭目齎表乞降此則國體所關
豈宜輕納是以置之不答然猶冀其悔罪輸誠尚可
宥其既往非必欲勞師動衆為犁庭掃穴計也詎待
一載逆酋猶頑梗怙終我國家當全盛之時豈可任

小醜跳梁不示懲創況滇省綠營恒怯積習久為賊
匪所輕而阿里衮等亦未能相機部署是以調遣古
林索倫等慣能殺賊之人並閩省水師同赴滇省水
陸夾攻又因大學士傅恒屢請前往督辦其實心體
國經畫有方體察形勢所言始為可信遂命為經畧
往莅其事此朕不得已用兵之苦心也至傅恒於七
月間自騰越進兵視前此師期較早兩月賊匪未及
預防因得由戛鳩一路統兵直進收取猛拱猛養而

其所經山徑崎嶇江河紆阻越險濟軍備嘗勞瘁且
因敵刈糧不藉內地轉饟及至新街會兵策勵將士
無不賈勇爭先於江岸沙洲連奪賊砦殲賊五百餘
並殪其頭目獲取舟航器械賊皆望風披靡如此殫
誠宣力不畏艱險實從來大臣所罕覲者及進次老
官屯率衆攻勦而賊守拒甚固遂克毛西一寨誅戮
賊衆絕其糧援復悉力圍其大寨勢可計日而取但
其地水土惡劣官兵多生疾病卽領隊大員亦間有

染患身故者將士等不用之於戰陣而徒令其嘗試
毒屬於心實有所不忍是以半月前即迭傳諭旨決
計撤兵今傅恒等奏緬酋懜馭奉有蒲葉書遣老官
屯大頭目諾爾塔齎詣軍門籲請貸其聲討傅恒等
移檄使受約束義正詞嚴姑從所請賊衆甫經創斃
諒不敢遽萌故智至傅恒請罪一摺以為力違衆議
執意請行將此次出兵引為一人之罪殊為未喻朕
意此次出兵非好大喜功而傅恒承命經畧職分應

爾設以為辦理非是朕當首任其過其次方及傳恒
豈宜獨以為己責昔

皇祖於吳三桂一事

諭令廷臣集議而主撤藩者惟米思翰明珠數人後逆藩
抗命衆皆歸罪議撤之人

皇祖諭云朕自少時以三藩勢焰日熾不可不撤豈因吳
三桂反叛遂委過於人大哉

聖言足為萬世法守傳恒此事即可援以為例前於傳恒

收服猛拱時曾賜三眼孔雀翎以示褒寵傳恒懇俟
功成後再用今既未經攻克賊巢前所賜翎即著繳
回仍用伊原帶之翎即此於伊請罪之意適足相當
想王大臣等亦當誠心允服也

上賦誌事詩曰大勝新街武畧張勵師進取近豺狼雖
云示創蠻疆地適有相求貝葉章已自畏威而懷德
底期肉袒與牽羊樊鄉悉怛非嘉畫渾覺優恩俾樂
康十二月緬酋懜駁遣其大頭目十四人獻方物於

軍三十五年二月班師三月傅恒還至京七月卒
諭曰大學士一等忠勇公傅恒才識超倫公忠體國德
心孚契襄贊深資自早齡侍值禁近即覘其器宇非
常洵膺委任旋以金川建績錫爵酬庸用是擢冠綸
扉綜理庶務蓋誠靡懈罕有其比西師之役獨能與
朕同志贊成大勲及崇爵再加堅讓不受尤足嘉焉
昨歲進勦緬甸傅恒堅決請行朕以萬里懸軍情難
深悉而廷臣更無可當斯寄者因授為經畧統率勁

旅專征傳恒自戛鳩濟師以後身先士卒艱瘁備經
用能收服猛拱迨會師蠻幕襲擊新街斬馘塞旗賊
皆潰竄遂進攻老官屯時傳恒已身染沉疴猶力疾
督勵兵衆晝夜兼攻剋期可卜逆酋畏懼具書懇請
解圍而朕亦因其地水土惡劣軍中多病先期降旨
撤兵並遣醫馳驛往視春間傳恒於天津行在復命
見其形神頓異隱慮難以就痊猶冀其安居調理以
臻勿藥詎自五月以後病勢日益加劇漸成不起每

朝夕遣使存問賜以內膳羹糜俾作頤養復間數日
親臨視疾見其有增無減軫念彌殷今聞溘逝深為
震悼所有衾襚之屬業經從優頒賜似此鞠躬盡瘁
允宜入祀賢良祠賞給內帑銀五千兩治喪並著戶
部侍郎英廉經理其事朕仍親臨奠醊其應得卹典
著該部察例具奏

上親臨其第酌酒

製詩曰瘴徼方欣興病迴侵尋辰尾頓增哀鞠躬盡瘁

誠已矣臨第寫悲有是哉千載不磨入南恨半途乃
奪濟川材平身忠勇家聲繼汝子吾兒定教培又
命喪葬儀節視宗室鎮國公例行

賜祭葬有加禮謚文忠十一月

諭曰大學士忠勇公傅恒曩者金川奏績時以其祖父
世篤忠貞流光鍾慶曾諭令建立宗祠自其曾祖哈
什屯以下官為春秋致祭傳恒令其一體入祠酬庸
俎豆三十六年

上巡畿輔

駐蹕天津行宮傳恒前歲復

命處也追憶之

詩曰去歲滇南力疾迴恰斯面晤憶生哀樸齋即景依
然也前席言人何往哉自古同為閱世客祇今誰是
作霖材自憐無助涓埃者後進方當竭力培三十九
年

上以

蹕塗所經

賜奠其墓詩曰佳城咫尺蹕塗傍莅止因之酌桂漿已
歷廿年資輔弼又驚三載隔陰陽先茲與汝應相恨
後此顧予轉自傷無忌昭陵雖有例那教賜奠痛文
皇四十五年

上賦懷舊詩以傳恒在綸扉二十三年日侍帷幄蓋誠
素著年未五十鞠躬盡瘁以喪甚傷惜之

詩曰世臣更近戚丹誠素所信命之習政事幹材亦日

進金川往經畧旌旗改觀奮然其時其勢未宜深入
迅郎卡既怖驚特許歸降順凱旋贊黃閣章服三錫
晉西師兩用兵同心却衆論坐謀無不協用歲大功
建其後征緬甸力請往抒蓋猛拱既收服官屯進圍
困祇以水土劣兵役多病頻值彼誨罪請爰撤師旅
振然因受瘴深兼悔墮功悶遂以永辭世節終典空
繆嗟我社稷臣所期寧在近年少長於余騎箕惜且
恨傳恒子四人長福靈安多羅額駙乾隆二十一年

允傳恒請派往西路軍營効力授

乾清門三等侍衛二十四年從定邊將軍兆惠勦賊

於葉爾羌敘功擢二等侍衛八月

召來京準噶爾大功告成

上以福靈安非披堅執銳之歲即能奮勇行陣屢著勤

勞擢頭等侍衛

賜緞六端銀百兩二十七年

給雲騎尉世職三十二年授正白旗滿洲副都統署雲

南永北鎮總兵四月赴木邦軍營守龍陵會緬匪
犯猛卯檄副將哈國興馳援賊退遮罕事

聞

上嘉之六月卒於任

諭曰副都統福靈安去冬奉命前往雲南朕因其從前
征勦回部宣績行間諳習軍務是以暫留彼處令其
察看軍務以便回京時面奏嗣以其行走奮勉勇往
任事特授為副都統并令署永北鎮總兵統兵進勦

今據明瑞奏福靈安前從永昌力疾趨赴木邦中途
病勢加劇復回永昌調理不痊於六月中旬身故朕
心深為軫惜著加恩交部議卹所有應得卹典該部
察例具奏其靈櫬還京著官為照料辦理

賜祭葬如例所遺雲騎尉世職以其姪襲傳恒次子福
隆安和碩額駙封一等忠勇公官兵部尚書別有
傳又次福康安現官協辦大學士封一等嘉勇公
又次福長安現官工部尚書福隆安子豐仲濟倫

襲一等忠勇公爵

欽定八旗通志卷一百四十四

欽定四庫全書

欽定八旗通志卷一百四十五

人物志二十五

大臣傳十一

滿洲鑲黃旗十一
博清額 福隆安 豐昇額 明瑞

端濟布

端濟布滿洲鑲黃旗人姓瓜勒佳乾隆八年由前鋒授藍翎侍衛游授二等侍衛二十年台吉巴雅爾等授誠

命端濟布齎衣物往

賜之還授頭等侍衛遷鑲黃旗察哈爾總管二十

一年

命選兵千赴西路軍營勦賊二十二年三月隨將軍兆
惠由朱爾圖斯進兵四月至瑪納斯擒得木齊鄂
羅斯獲其屬三百馬駝牛羊二千餘六月扎哈沁
叛賊巴哈曼集遁端濟布偕侍衛奎瑪岱追勦至
小衛和勒津遇前掠台站賊扎木布擒之招降巴

哈曼集屬二百餘戶九月擒叛賊噶爾藏多爾濟
宰桑羅卜扎尼瑪得木濟敦多克於羅克倫孟古
圖領送巴里坤先是布魯古特台吉琿齊呼爾瑞
台吉達瓦斬叛賊扎那噶爾布詣端濟布營詐降
並請招叛黨額林沁達瓦端濟布信之遽撤兵還
琿齊等尋遁

上命靖逆將軍雅爾哈善查明治罪至是

諭曰端濟布此次所辦尚合機宜從前招降惟事姑息

已命查明治罪今功過相抵著加恩寬免十月扎哈沁得木齊哈勒拜等謀掠台站叅贊大臣哈寧阿檄端濟布往勦至瑪納斯擒諜十餘渡河至美羅托山賊遁收其游牧牲畜

詔相機速勦二十三年正月叙功列一等六月分領吉林厄魯特兵圍庫車賊三千自賽里木來援據高阜端濟布同侍衛順德訥等分翼奮擊斬首二千餘獲畜械甚衆七月復同侍衛齊凌扎卜等勦賊

之逃往蘓巴什山者三百餘八月邀擊城內逃賊
於鄂根河十月大兵分三路攻葉爾羌回酋霍集
占築臺城東北端濟布以右翼後隊攻之賊拒戰
我兵擊斃賊二十餘賊退入城時將軍兆惠被圍
於黑水端濟布轉戰十餘至呼爾琿合兆惠軍二
十四年二月

敕部優叙給三等輕車都尉世職四月授鑲紅旗滿洲
副都統七月隨大軍追賊至阿爾楚爾及伊西洱

庫爾淖爾端濟布以兵二百截其逃路偵賊寨山
巔越嶺攻之被創事

聞下部議叙凱旋

賜塔什巴圖魯號

命圖形

紫光閣

御製贊曰將軍黑水先衆徑渡固營待軍實端濟布衆
寡稍挫倉卒周防奪回人馬勇且謀長二十六年卒

贈都統銜

諭曰端濟布前在軍營頗著勞績且打仗受傷得有殘疾
回京身故定例惟陣亡人員始入昭忠祠端濟布雖
非陣亡但念其久在軍營効力打仗得傷回京身故
與陣亡者無異著加恩准入昭忠祠尋
賜祭葬謚壯節子伊達禮襲世職

明瑞

明瑞滿洲鑲黃旗人姓富察一等承恩公富文子

乾隆十四年由官學生襲世爵授二等待衛二十一年四月管理健銳營五月

命以副都統銜赴西路軍營充領隊大臣時阿睦爾撒納叛竄哈薩克明瑞隨定西將軍達勒黨阿追之再與哈薩克戰多斬獲

上嘉其奮勇行陣授副都統二十三年四月追擊推素隆集賽逃人八十餘戶降之殲其拒戰者收駝馬軍器得

旨嘉獎十一月授戶部右侍郎二十四年三月授叅贊

大臣

御前侍衛尋

諭曰明瑞自到軍營凡遇陣戰領兵奮勇行走可嘉加

恩於現襲公爵加賞毅勇字號授為承恩毅勇公五

月隨將軍兆惠勦逆回霍集占於葉爾羌叙功

賞雲騎尉世職八月追賊於和斯庫魯克山賊衆六千

餘負隅固守我兵九百奮勇鏖戰賊大敗尋復恃

其馬力來拒陣斬賊五百餘級生擒及傷竄者無
算

諭曰覽奏我師以寡敵衆力戰敗賊實屬奮勇効力朕
心甚為嘉悅著交部從優議叙復

賜御筆詩扇曰世胄更勲戚少年能老成從軍俾習事
屢戰得英聲適以狂狙遜因將勁旅征欲遮先信漏
不捨竟踪橫地利彼雖擅人和我實勦騎惟九百到
賊乃數千迎少卒勝其衆勇還濟以誠勗哉俘二豎

衛霍遜功名十月

賞戴雙眼翎二十五年四月奉

旨明瑞所得之雲騎尉與伊弟奎林承襲明瑞仍承襲
一等承恩毅勇公世襲罔替二十六年伊犁回部功
成

命圖形

紫光閣

御製贊曰椒室懿親年少志雄謂可造就俾學從戎獨

出獨入既忠且壯屢立宏勲愜予所望五月授正白旗漢軍都統尋轉戶部左侍郎二十七年三月

詔赴伊犁九月授領侍衛內大臣十月授伊犁將軍二十八年三月叙平定準噶爾及回部功給騎都尉時哈薩克汗阿布勒比斯來索逃回伊犁之厄魯特明瑞以準噶爾已平厄魯特等投回伊犁乃其故土斥責之并請

勅下烏里雅蘇台將軍一體辦理

諭曰明瑞所辦甚為得體從前雖無彼此不留逃人之
言但成衮扎布曾將自哈薩克逃出之厄魯特給回
阿布勒比斯遂欲援以為例著傳諭成衮扎布等嗣
後遇此等事俱照明瑞等所辦駁之先是明瑞面奉
諭旨籌辦塔爾巴哈臺駐兵事宜至是奏言屯田兵應
駐雅爾城留馬兵三百照管貿易餘馬兵千二百
交領隊大臣於週圍巡查雅爾與伊犁多往返文
移請自額敏河沿至巴爾楚克沁達蘭設大卡倫

三各駐兵三十其庫克托木嶺等處酌安卡倫
則塔爾巴哈臺一帶聲勢相接現今烏魯木齊駐
兵較多於巴里坤請將二處辦事大臣撤回巴里
坤提督移駐烏魯木齊烏魯木齊兵移駐巴里坤
奏入

詔以烏魯木齊大臣移駐雅爾餘如所請二十九年四
月奏請伊犁添設理事同知從之十二月疏言雅
爾等處駐兵屯田所需器具於綠旗兵內挑選匠

作購辦物料以備臨時添補輓車輛之馬俱於牧
羣撥用報

聞三十年二月烏什小伯克賴黑木圖拉等聚衆五百
餘乘夜縱火焚掠據城為變明瑞派副都統觀音
保往援旋聞駐烏什副都統素誠自戕即親統兵
進時叅贊納世通先帶兵至烏什之鄂托巴什觀
音保至納世通派守隘不令進剿復行文止明瑞
兵明瑞慮觀音保兵既撥防其進剿兵半係回人

及布魯特不可恃仍統兵進奏入

上以所辦甚合嘉之三月抵烏什賊衆二千餘來犯明瑞與觀音保等擊之奪臺七殺賊二百餘俱傷入城山險城堅明瑞設防困之復遵

旨查奏素誠狂縱激變及納世通凌辱回衆副都統弁塔哈掩飾兵敗狀

命尚書阿桂赴烏什傳

旨將納世通弁塔哈正法賊困守既久謀夜襲大營我

軍偵知之預設備賴黑木圖拉中箭死賊復推其父額色木圖拉為阿奇木悉衆死守不敢出明瑞簡巴圖魯六百餘中夜携雲梯分道潛往薄其城先登東北隅賊未覺挺刃交下守陴賊驚竄即舉火招繼進者循城北至東南毀其堞天明收軍仍逼城築壘斷其樵汲賊城糧盡遂內潰八月疏報克復烏什城

上所奏簡畧

勅明瑞阿桂將入城擒賊情形逐一奏聞尋會奏領兵
築梁園城原充烏什商伯克沙布勒縛首逆額色
木圖拉及助逆要犯四十二人以獻磔首逆有名
賊犯分別正法其被賊拘及匠作婦孺萬餘口分
起解送伊犁

諭曰賊人戕我大臣官兵以死拒守及長圍久迫始縛
獻首惡希冀苟免誅戮準以天理人情豈復可赦惟
盡以軍法從事始足申國憲而儆愚頑今伊等既從

事姑息著將送往伊犁人等即交伊二人養贍交部
嚴加議處又

諭曰素誠等苦累回人各情節從前得之俘囚之口今
額色木圖拉等正犯既經就獲理應嚴訊起釁緣由
及素誠所犯是否屬實使情罪確鑿以成信讞乃伊
等一概置之不問輒將賊黨正法有是理乎明瑞阿
桂此次辦理錯謬不得不交部議處以示懲創其在
事將弁兵丁仍交部分別議叙部議革職

詔從寬留任旋

命寫戰圖

獎其奮勇克復

御製詩曰勲威伊犁董重兵早年回部得威名變聞遂
率雄師援途遠仍教兼驛行可笑無能還妬阻幸因
未聽遂遄征逆回始相倉皇守壁壘新知紀律明明
瑞尋奏酌留兵五百駐守留原協領伊昌阿侍衛
舒明阿理工作原御史忠德理糧餉調巴里坤遊

擊陳堯典理屯田得

旨烏什事竣滿洲索倫兵無須多駐著留滿洲兵一百
名索倫兵一百名十月會奏回部事宜一阿奇木之
權宜分一格納坦之私派宜革一回人之差役宜
均一都官伯克之補用宜公一伯克等之親隨宜
節一賦役之定額宜明一民人之居處宜別一伯
克等與大臣官員相見之儀宜定廷議允行三十
二年緬甸滋擾總督楊應琚以措置乖方獲罪三

月

命明瑞為雲貴總督兼兵部尚書議政大臣經理軍務
六月奏言永昌騰越至順寧威遠普洱沿邊土境
延袤二千餘里傍途側出處處駐兵即二三萬衆不
敷分派臣等酌議土境扼要總區如迤東之九龍
江迤西之隴川適中之黑山門應各酌留一營派
土練固守委妥員統領選勇幹馬兵土練不時遠
偵遇賊隨時勦逐其小路令總區將弁派人時往

遊巡庶防兵大減而聲勢不分至分路進勦臣由
龍江一帶出口至阿瓦賊巢係由東轉南折而西
隔越滾弄江下游倍遠新街水路為緬匪要地必竭
力守禦新街以東俱石壩小澗舟不能達擬於新
街上游伐木造船使木片沿江下先聲牽綴大兵
自永昌騰越出口以宛頂木邦一路為正兵餘臨
期相機或分兩路由猛密等處剋期並進叢雜僻
徑隨時出奇設疑使賊疲於奔救無暇他出窺伺

我軍裹糧前進較遞運多節省至奏摺文報黑山門遞放以內仍設臺站即於進剿官兵內選妥幹勇壯者數十賫交黑山門轉遞如經過外夷部有誠心向化者再於其部落留兵設站遞送

上嘉之十月授將軍管總督事務十一月由宛頂木邦進抵白小破賊寨前渡打疊江過錫箔至蒲卡以西擊敗賊伏兵至蠻結四山環繞賊立十六寨防守用濕木交排實以土環浚深溝外密豎木柵內

列象陣伏兵明瑞統兵居中令領隊大臣扎拉豐
阿李全踞其東觀音保長青踞其西賊突出犯西
隊觀音保長青奮力勦擊明瑞督本隊兵並進斬
級二百餘賊退保柵乃留兵二千令副都統伍三
泰音濟圖達興阿張兩翼以壯聲勢分滿洲綠旗
兵為十二隊明瑞首先進擊賊驅羣象以拒明瑞
目鎗傷策馬指揮不少挫官兵奮擊羣象反奔我
兵毀柵進無不一當百逼第二柵貴州藤牌兵王

連攀柵上飛身躍入縱橫賊隊中擊殺十餘人我
兵遂擁入鼓勇勦殺自申至戌賊棄寨竄斬級二
千餘生擒三十四人獲軍械糧畜無算捷

聞

諭曰明瑞秉性純誠才優幹濟前者西陲之役每身先士
卒効績宣猷昨歲自伊犁來京陛見方值緬酋滋事
前督臣調度失宜因令節制雲貴並授為將軍領兵
進勦自任事以來凡辦理軍營諸事均能悉心籌畫

動合機宜近自木邦整隊入於白小地方統衆毀
柵今行次蠻結復親冒矢石殲賊因糧摧堅陷銳以
致目受鎗傷猶鼓勇直前克揚我武自此酋衆望風
驚潰刻日直搗賊巢佇聞捷奏朕心深為嘉慰明瑞
現在所襲之公係承恩世爵令既屢著殊績自應特
沛恩施用示優異著授為一等誠嘉毅勇公賞給黃
帶紅寶石頂四團龍補服所有原襲承恩公著伊弟
奎林承襲十二月師次革竜地近天生橋渡口賊預

毀兩旁所植大木於山頂立柵明瑞令達興阿率
兵二千仍由大路進佯為奪取渡口之勢自督兵
從間道繞至天生橋河上流乘霧畢渡進據山梁
賊衆驚潰我兵進至象孔取道猛籠土司境就糧
遇賊擊敗之土司逃避搜得窖米二萬餘石駐兵
三日趨猛密躡賊境數千里屢戰皆捷旋由大山
移駐小猛育連攻賊營時叅贊大臣額爾登額頻
兵旱塔退回虎踞關避賊遠從內地小隴川緩行

巡撫鄂寧檄援不應賊偵知孤軍併力攻圍我兵
火藥糧餉俱匱以疲馬騾作三日糧三十三年二
月明瑞令將領分隊以次衝出自冒矢石殿後胷
臂被鎗陣亡都統扎拉豐阿護軍統領觀音保亦
歿於陣事

聞

上軫悼

特旨照班第例從優議卹

欽定四庫全書

金瓶梅詞話
卷一百四十五

十一

御製輓詩曰蠻結之捷鼓勇進孤軍深入心牽縈屢催
繼援竟弗援僨輶驚馬誠堪驚然猶因糧勦猛密計當
兩路兵合并誰料援師竟避賊强弩末被魯縞輕蜂
屯蟻襍截歸路將軍體恤諸孱兵携數勇士獨殿後
不虞中要害命傾嗟哉捐軀因為國痛惜如失股與
肱雙忠雙烈及雙義三逢斯四何為情要當專祠表
勲績俾爾千古存如生恨緬事益難中止雪讎大舉
期功成四月樞至京北拉豐阿觀音保樞亦至

上親臨奠酌磬額爾登額於樞前以正逗遛失援罪
御製詩曰全師原是出蠻陬何事三臣命獨休被阻稜
稜恥生返捐軀赫赫永名留殿軍無愧孟之反隕節
同如趙慶州故里櫬歸臨奠酌酒盃醺盡淚還流
賜祭葬如例謚果烈

諭曰將軍公明瑞夙秉忠誠歷著勲績昨命統兵進剿
緬匪身先士卒屢挫賊鋒乃以懸軍深入而額爾登
額等有心逗遛後援不繼困於猛腊地方保護諸軍

身留殿後衝冒矢石以受傷身殞已降旨加恩優恤
並入祀昭忠祠以酬忠藎從前駐藏大臣傳清拉布
敦鋤凶死事曾勅建雙忠祠秩在祀典茲明瑞勤事
捐軀義烈尤堪嘉尚著循前例於京師特建專祠舉
行歲祀其先後陣亡之都統扎拉豐阿護軍統領觀
音保總兵李全王玉廷均予入祠從祀用慰忠魂並
御書賜額曰折衝抒蓋四十四年

御製懷舊詩列五功臣中

詩曰凡經百餘戰必先衆軍不謂世胄家而有如此人讀書知大義挽勁鮮與倫短身既精悍謀畧兼出羣功難僂指數嘉賚匪因親征緬次猛腊獨入克捷頻恨遇忌功者逍遙河上陳力戰絕後繼終焉捐其身於爾無悔怨於我增悲辛不須讀杜牧謂遇趙使君子惠倫襲一等誠嘉毅勇公世爵

博清額

博清額滿洲鑲黃旗人姓富察乾隆十七年繙譯

進士授兵部主事遷戶部員外郎軍機章京行走
三十四年隨經畧大學士公傅恒赴緬甸軍營十
月大軍敗賊於新街博清額在事有功議叙加一
級三十五年三月回京授正藍旗滿洲副都統七
月署兵部侍郎兼理刑部侍郎事

詔偕戶部侍郎索琳赴土默特鞠誠親王壻納遜特固
斯謀鳩格格案三十六年正月因不能究出實情
反將案犯交納遜特固斯看守又不候

旨徑同索琳回京交部察議降二級留任三月改授內

閣學士七月

命察視永定河不速往傳

旨嚴飭令還京三十八年四月

命赴四川軍營會鞠提督李煦副都統常保住諱賊事

五月博清額據防卡兵丁供詞劾煦等諱賊屬實

命再詳鞠六月木果木大營失利李煦常保住隨叅贊

海蘭察防駐免治罪時賊勢鳩張博清額偕總督

富勒渾馳守蒙古橋復帶兵三百赴美諾與海蘭
察相機策應

上嘉之授領隊大臣

諭曰博清額以派往審事之人即同富勒渾帶兵馳守
蒙古橋旋往美諾與海蘭察督兵聲援連日海蘭察
奏到諸摺俱有條理必係博清額為軍機章京辦事
年久熟習機宜故能周到若此著賞戴孔雀翎八月

同海蘭察奏整理軍器俟將軍阿桂至日囑時擬

辦進兵事宜十月得

旨博清額辦事不及阿桂其攻勦亦不及海蘭察不必
在軍營領隊即著回京仍在軍機章京上行走三十

九年署理藩院侍郎四十年授正黃旗蒙古副都

統四十二年七月署刑部侍郎四十三年閏六月

命往庫倫辦事四十四年授兵部侍郎四十五年十月

遷理藩院尚書署都察院左都御史十一月

命往西藏辦事四十九年授正白旗蒙古都統五十年

詔還京未至卒

諭曰博清額前在軍機章京上行走旋擢御貳宣力年久此次前往西藏駐劄辦事已閱數載因念其年力未衰特命回京供職以資倚任茲聞溘逝殊堪憫惻除已由藏賞銀三百兩料理喪事外所有應得卹典該部察例具奏尋

賜祭葬如例謚恭勤

福隆安

福隆安滿洲鑲黃旗人大學士忠勇公傅恒次子
尚和嘉公主授和碩額駙乾隆二十三年授

御前侍衛二十六年三月兼管光祿寺四月兼管奉宸
苑七月掌鑾儀衛事三十三年二月擢兵部尚書
軍機處行走三月兼議政大臣四月調工部尚書
三十四年正月授

御前大臣署總管內務府大臣九月署理藩院尚書
賜紫禁城內騎馬三十五年三月兼步軍統領七月管

理藩院事十月授領侍衛內大臣襲忠勇公爵三十六年疏言馬兵例准鄉試又可在營陞拔是一人而兼兩途請將籍隸大宛兩縣兵丁與武童一體應試取中武生再准鄉試部議從之三十七年四月署鑲黃旗滿洲都統五月散秩大臣銜阿爾泰總兵宋元俊叅奏四川總督桂林在卡了軍營約令叅將薛琮間道夾擊金川賊桂林畧一進攻即退並將護軍統領明亮副都統鐵保撤回薛琮

以糧盡救不至戰歿軍盡覆桂林捏飾具奏與鐵保終日酣飲將條罕得見在軍營修房居住勒取供應令提督汪騰龍交銀總兵王萬邦贖取金川所遮官兵

命福隆安往審六月奏審無酣飲勒派事桂林所居有預備貯米板屋三間無不見者薛琮告急即令宋元俊往援惟官兵傷損不即查奏屬實至贖取官兵係戶部司員汪承霈聞有巴旺布拉克底土兵送

出迷失官兵信告知桂林取銀五百交汪騰龍備
賞後未見送出仍將銀取回其王萬邦給宋元俊
札捏寫收銀贖人係為宋元俊所愚請分別治罪
諭曰宋元俊汪承霈均著革職拿問同桂林一併解赴
行在候訊至王萬邦初為宋元俊所愚一經詰訊即
吐實情此案得以明確情尚可原且領兵打仗頗為
勇往免其革職治罪明亮鐵保汪騰龍已降旨革職
鐵保仍遵前旨留軍營効力未幾元俊議革職仍留

軍營桂林得

旨發伊犁効力贖罪是月福隆安又奏言賊番踞守碉樓木寨時出伺我兵舉動軍營事應謹密方可乘其不備已申明紀律整肅軍容以杜賊番窺伺又言臣沿途查看山險路遙挽運維艱打箭爐等處雖貯糧萬餘而軍營存糧無幾不能克期趕運阿爾泰年邁請令陝甘總督文綬往章谷等處督運得

旨調文綬四川總督三十八年閏三月充四庫館正總裁四月加太子太保十月授正白旗滿洲都統三十九年四月御史李淑芳劾福隆安家人藍大在金陵館酗酒滋事鞠實擬罪部議革福隆安職

諭留任十月疏言鳥鎗為行軍利器八旗專操會操演習九進十連環所向無前各省綠營鳥鎗請照火器健銳二營進步連環式一體演習下部議行四十年正月調兵部尚書仍管工部事二月金川

平叙功加三級

命圖形

紫光閣

御製贊曰父定復叛子嘗愧之是用稽首躬請出師留
於左右俾習規畫頗有嘉謀協予廣益七月兼

文淵閣提舉閣事十一月充

國史館正總裁四十二年四月暫署吏部尚書四十
三年錦州副都統德福劾協領福神保藉差斂銀

命福隆安查辦尋奏訊福神保歛借商銀交將軍弘昫
所設差局幫貼差費公用弘昫並未入已但以宗
室大臣見小滋弊請交宗人府會同刑部治罪福
神保等發烏魯木齊効力餘分別枷責得

旨弘昫訊無染指亦未授意派歛著加恩以散秩大臣
効力贖罪四十四年三月直隸總督周元理奏審辦
井陘縣民李馥等歛錢告官梁進文抗官毆差案
步軍統領衙門緝獲案內逸犯供知縣周尚親有

科欽侵肥各款

命福隆安同刑部侍郎喀寧阿錢汝誠會鞠尚親派累
屬實抵罪周元理以徇庇劣員革職四十七年四
月

上躬詣

霄壇行禮

諭曰常霄大典朕親詣行禮

壇內一切禮器均宜敬謹安設乃本日行禮時見

壇內懸挂天燈僅止二盞又更衣幄次所設坐褥亦不整齊

郊壇典禮朕親詣行禮尚如此草率不敬若遣官恭代更不可問矣其罪甚大非尋常錯誤僅止交部議者可比工部堂官羅源漢等近因福隆安患病精神不能周到遂各委蛇袖手而派出司員等亦俱怠忽從事以致種種玩悞不可不嚴示懲儆福隆安若照常辦事時遇有此等錯誤其處分必較諸人加倍姑念患

病屬實著加恩免其革職仍罰其公俸十年四十八

年五月留京辦事十二月

上閱朝審招冊疑趙文達毆斃夫役張二案

命覆訊

諭曰前閱本年朝審情實招冊內趙文達毆死夫役張
二一案忽疑其或有頂兇情節因詢之和珅福康安
福長安俱不能深悉其中情偽至朝審勾到之晨大
學士阿桂奏此案情節頗有疑竇請旨再行研審確

欽定四庫全書

欽定四庫全書
卷一百四十五

情因派阿桂和珅福康安劉墉會同刑部堂官覆訊該犯等始猶堅執前供及研鞫再三據供實係福隆安管事家人富禮善主使責打趙文達聽從動手屬實此案既據審明可見從前刑部堂司官不能盡心推鞫復令查檢原案初供係福隆安署步軍統領時移送刑部其原咨內本有家人富禮善喝打之語乃刑部定案時趙文達挺身直認証佐匠役等亦隨同指供司官既不嚴鞫而堂官等意在觀望不肯深求

顛預了事以致富禮善脫然事外福隆安病體至今未愈被家人始終瞞哄竟無見聞而刑部堂官不加駁詰推求未免有意瞻徇福隆安情面刑部堂司官實咎無可寬所有該堂官及主稿隨同畫押之司官等俱著交部嚴加議處至福隆安於此案雖原報本有富禮善之名及後改供亦實不知情但致令刑部司官意存觀望即伊平素恃朕恩以致人畏即其過也此案若趙文達已經勾決不特福隆安獲咎更重

即阿桂等亦不能無罪茲幸究出情實未致枉縱其情節尚可稍從寬減福隆安著罰公俸十年仍交部嚴加議處部議革職

詔免四十九年閏三月卒

諭曰尚書額駙公福隆安醇良謹飭勤慎小心綜理部務宣力有年昨歲因舊症復發屢經給假調理賜藥賜醫方冀年力尚強可以漸次平復倚畀正殷近聞病體加劇即令伊子豐伸濟倫馳驛回京省視茲聞

溘逝深為悼惜著皇八子親往奠醑並賞給內庫銀
五千兩派金簡經理喪事任內降革處分概予開復
前次伊家奴犯罪自請罰公俸十年亦加恩寬免應
得卹典察例具奏尋

賜祭葬如例謚勤恪子豐伸濟倫襲一等忠勇公爵現
官

御前侍衛護軍統領副都統

豐昇額

豐昇額滿洲廂黃旗人姓鈕祜祿尚書公阿里衮子乾隆二十五年由拜唐阿授三等侍衛三十四年襲一等公擢領侍衛內大臣三十五年六月管理三庫事務旋署兵部尚書七月授

御前大臣兼鑲藍旗蒙古都統總管內務府大臣三十七年二月將軍溫福疏劾叅贊五岱垂謬

上命豐昇額偕額駙色布騰巴勒珠爾赴金川軍營訊問五岱旋發伊犁効力贖罪三月

命豐昇額留軍營授叅贊大臣四月

諭曰豐昇額奏事列名應在阿桂前但阿桂歷練軍務
豐昇額甫經學習仍著阿桂列名在前豐昇額列名
在後豐昇額不可稍存意見致有掣肘阿桂亦不得
推諉務須和衷辦理期於軍事有益五月豐昇額以
大礮擊傾東瑪賊寨翼日飭官兵進攻聞賊營鎗
聲不絕知賊尚衆佯退突令章京佛進泰富爾賽
逼寨賊驚拒侍衛伸達蘓以大礮斃數人賊稍却

我兵力戰賊或墮崖死或焚斃餘皆遁遂克東瑪
上嘉之六月攻固卜濟山梁豐昇額偕舒常馬彪等率
兵抵色爾渠令烏什哈達巴三泰等左右進攻舒
常馬彪等分應豐昇額由中路進近賊卡賊盡竄
毀其石卡次日復以大礮擊之烏什哈達等率兵
潛下巖礮豐昇額由山徑策應屢戰敗之盡獲其
礮卡七月仍以礮擊賊礮令烏什哈達佛倫泰等
設伏彰霸巴三泰等據西北峯斷別斯滿來援賊

豐昇額等突入殲賊甚衆克色爾渠大礮及卡房
百餘十一月豐昇額與溫福克明郭宗沿途礮卡
敗賊於公雅山十二月克嘉巴山焚念經樓進次
布朗郭宗克底木達等寨擒僧格桑之父澤旺詳
見溫福傳是月授豐昇額為副將軍溫福議分三
路進溫福由功噶爾拉進攻喀爾薩爾阿桂由僧
格宗至當噶爾拉同取噶拉依豐昇額由章谷吉
地赴綽斯甲布與舒常合取勒烏圍疏入

上嘉之自是豐昇額遂駐兵宜喜三十八年四月晉太

子太保六月木果木師潰七月奏據綽斯甲布土

司來告賊謀斷宜喜糧臺現在實力修防智固山

諭曰豐昇額在宜喜軍營原屬三路並勦及聞溫福軍

營失事諭令撤兵今阿桂既退據得地軍氣復伸各

土司中聞阿桂既出與豐昇額遙為犄角亦斷不敢

復萌動搖之心並可鎮撫綽斯甲布衆心豐昇額必

當仍駐宜喜為是其善體朕旨妥協行之十一月將

軍阿桂收復小金川豐昇額奉

命移兵丹壩三十九年二月晦夜半豐昇額自達爾札克之北山澗越石踏雪以進黎明抵凱立葉山麓令侍衛那木札等過嶺直入見大峯六俱有碉賊矚我兵將近鎗石並發官兵直前衝擊又令侍衛彰靄明仁取第二峯瑪爾占伊達里等取第三峯令五岱於三峯下立營議取第四峯奏入

諭曰凱立葉一路既難過進原不應過於株守今留五

岱在凱立葉牽綴賊勢而豐昇額前赴阿桂軍營合力進攻兵勢更盛若果進至勒烏圍則凱立葉之賊自可不攻而潰十月

賜元狐帽貂馬褂是月攻克凱立葉山梁十一月攻格魯克古了口大兵橫越山溝四山梁五獲礮五十寨落三百遂通丹壩奏入

上深嘉悅四十年正月偕阿桂奏克康薩爾四月克磬噶爾木城及木思工噶了口礮座進攻下巴木通

碉柵盡克勒吉爾博山梁進據得式梯官寨

命優叙五月攻遜克爾宗圍將合分三路並進賊不能
支連取碉十二賊奔箐盡殪之

諭曰遜克爾宗一帶攻取年餘尚未得手今豐昇額全
行奪取實為奮勉出衆豐昇額乃巴圖魯額亦都之
孫其果毅公爵即係額亦都傳襲前將軍兆惠因平
定準噶爾回部曾於公爵上加封四字今豐昇額能
繼其祖著於果毅字下加繼勇二字以示優獎七月攻

章噶豐昇額督官達色仁和等左右分攻海蘭察
攻其正面賊於碉外置壕三壕外立木柵我兵毀
柵鋪壕乘之緣碉角而上從碉頂壓下賊盡竄克
之並得其旁木城八月阿桂分兵四面攻勒烏圍
豐昇額策應克勒烏圍官寨及轉經樓喇嘛寺掠
聞得

旨優叙十二月克格隆古科布曲山梁四十一年正月
克瑪爾古當噶山梁遂進圍噶拉依賊巢奏入

諭曰副將軍豐昇額本襲公爵復加賞繼勇名號著再
賞以一等子暫令伊弟布顏達賴承襲俟豐昇額生
子後仍令其子承襲是月調戶部尚書

賞戴雙眼孔雀翎二月金川平

賜緞四十端銀四千兩四月凱旋

上行郊勞禮

恩賜

御用鞍轡馬一匹

命圖像

紫光閣

御製贊曰宜喜弗動定見識機後副西路親勵戎衣遜
克爾宗督兵進取國之蓋臣勇繼乃祖是月管崇文
門稅務旋署左都御史兼署理藩院尚書十月授
步軍統領兼管太常寺樂部四十二年四月調正
白旗滿洲都統兼管禮部事務五月

諭曰尚書公豐昇額昨在金川奮勇著績克紹祖風且

能勉承伊父阿里衮忠誠素志曾降旨於所襲果毅
公爵加繼勇二字以示獎勵所有阿里衮原襲公號
亦著加此二字用昭世臣濟美是年十月卒

諭曰尚書果毅繼勇公豐昇額秉性忠誠奉職勤恪昨
以副將軍征剿金川殫力宣忱奮勇著績能承父志
以紹祖風深可嘉尚是以降旨於伊所襲果毅公爵
加繼勇之號以獎勲勞伊年富力强正堪任使乃於
前月忽遘沉疴即派太醫院堂官診視頻加存問並

賜人役以冀速痊遽聞溘逝深為軫惻著加恩賞給
陀羅被派散秩大臣一員帶領侍衛十員往奠茶酒並
著加恩晉贈太子太保復

諭免其代賠伊父未完銀二千七百餘兩

賜祭葬諡誠武繼子明安襲公爵現官

乾清門頭等侍衛

欽定八旗通志卷一百四十五